

**A** *rubá***A** *ntaño*

## CONSERVACION DI EDIFICIONAN



Den ultimo tempo nos a observa cu e conservacion di edificionan, plantanan, y esnan di valor di monumento, no ta ricibiendo e atencion di e Aruba Antaño.

Laga nos tuma esun aki cu tur su historia y buniteza di nos Aruba Antaño a ser permiti pa e converti den un ruina y cueva di varios acto condenable cu ta ocupando esaki.

Mas tristo lo ta cu e ta pertenece na gobierno, despues di tanto critica cu a ser lansa contra di di su cara tristo di tur dia y pa cual gobierno a paga pè den pasado. Pero e sistema di carbon papier cu ta ser usa den e politica y hasta di pasado ta sigui su rumbo y ta di lamenta cu esaki su daño no ta ser observa pa por duna e debido atencion y conservacion pa cu nan keda como un monumento di nos isla.

Pa loke e edificio aki a presta den Aruba Antaño ta varios di e recuerdonan di Aruba ta encera den dje. Tuma por ehemplo den su curá e promer pantalla di cine, y den e tempo di cine mudo, di cual te ainda un parti di esaki blancha ta riba un parti di e muraya.

Den e edificio tambe a lanta un di e prome courantnan decadanan promer cu nos a haya radioemisora. Noticia e tempo ey mas bien tabata ser logra ora cu un hende bay pela, of den Heintje Croes, cu awe ta un boulevard, caminda e hendenan tabata bay los carson, y den e dos positionan ariba menciona mayoria di noticias tabata ser pasa di un pa otro.

E edificio aki tabata sitio di un drukkerij (imprensa) di e conocido Manuel Viana (q.e.p.d.) di Aristides Wever (q.e.p.d.). Despues a pasa pa nos amigo Kili (Cololo) Franken cu ainda tin su imprenta den Dakota. E mesun edificio aki a bira un pensio.. (Colombia); un Wine Cellar di un suegro di e doño, cual borchí ainda ta visible.

E edificio aki cu ta e palacio di e vagamundonan, cu tur su historia di Aruba Antaño, mescos E Castillo, mescos cu varios otro tabata monumentonan cu no a ricibi atencion pa mantene y conserva loke Aruba Antaño y nos historia tin aden.

Nos lo trata di trece varios di esakinan, pa cu asina doño di culpa cu den e caso aki, ta gobierno y esnan cu tin di mira pa conservacion di nos poco monumentonan tuma na consideracion pa nan mantenimiento.

*Diario. - (diaranzon 25 maart 1992)*